

Forum Beneficiale, Sive Quæstiones & Responsa Canonica

Materiam De Beneficiis Universam Ex Beneficialistarum tam antiquorum,
quàm recentiorum placitis complectentia. Opus methodo novâ, & clarâ in
tres digestum Partes ... accuratè, ac copiosè instructae

De Vacatione, Amissione, Et Extinctione Beneficiarvm ...

Leuren, Peter

Coloniæ Agrippinæ, 1704

629. An transferri possit pensio clericalis acceptâ pecuniâ vel pretio, vel
reservatâ parte fructuum, & an in tali translatione committatur simonia.

[urn:nbn:de:hbz:466:1-74494](#)

patam solutionem, bonâ fide factam transferenti; cùm non prohibeatur debitor anticipatò solvere suum debitum, etiam eventuale, ubi non datur mixtura juris, vel præjudicij tertii. Et licet verè ac propriè de rigore isti termini non intrent, cùm ad instar refignatarii translatarius suum jus potius à Papa metiri dicatur, attamen de facto, & inspectâ naturali veritate, jus totum obtinet à transferente per quandam speciem successionis, ac etiam titulari solventi proprio creditori anticipatò magna assifit aequitas. Ita Card. de Luca de pens. d. 68. n. 12. & 22. qui & addit. Gigantem qu. 28. supponere potius absolutam, & validam translationem talem, non obstante dictâ solutione anticipatâ titularis.

Questio 629. An transferri possit pensio clericalis acceptâ pecunia vel pretio, vel reservata parte fructuum, & an in tali translatione committatur simonia?

Respondeo ad primum: Etiam ex hypothesi, quod pensio sit quid mèrè temporale, licet tamen pro pecunia, aut pretio transferri nequit: tametsi potestatem à Papa habeat legitimam eam transferendi; non habet tamen potestatem eam vendédi; neque enim eā transfert, ut rem patrimonii sui; neque ea potestas transferendi est ordinaria, sed comisiliaria & delegata à Papa, nolente eam sic transferri. Azor p. 2. l. 8. c. 11. q. 4. Barbos juris Eccles. l. 3. c. 11. n. 22. ex Bouac. de simon. q. 4. §. 13. n. 5. Licet tamen pensionario locare, vel vendere fructus pensionis, etiam ad totum vitâ suâ tempus; quia tunc non vendit jus pensionis, sed tantum fructus. Azor loc. cit. Barbos. loc. cit. n. 25. uti & eosdem fructus futuros donare potest, etiam absque auctoritate Papæ ad totam vitam suam; quamvis jus ipsum dictos fructus exigendi, & percipiendi sine dicta auctoritate donare nequeat; ita ut in hoc casu donatarius nonnulli nomine pensionarii eos exigere, & percipere possit. Azor cit. c. 11. q. 2. qui tamen addit, in foro externo talem donationem fructuum censendam translationem pensionis ad alterum, & proinde ratam non habendum sine Papæ auctoritate: ut nec locationem fructuum futurorum ad vitam pensionarii judicandam in hoc foro venditionem, hoc est, jus exigendum fructus, sine consensu Papæ.

2. Respondeo ad secundum: Ex suppositione sententia illius, quæ negat pensionem esse aliquid spirituale, non tamen per talem translationem committendam simoniam. Ita exprestè tenet Lott. l. 3. q. 29. à n. 76. aliique sub initium tract. de pens. citat pro temporalitate pensionis. Item Azor cit. q. 14. ex Gig. de pens. n. 99. qui etiam dicat, non obstat, si cum pensione transferatur quoque regressus, seu jus regredendi ad beneficium in casu non soluta pensionis; eò quòd, sicut jupatronatus, cùm transfit ad alium cum universitate rei, quæ venditur, ita etiam, et si regressus ad beneficium per se vendi nequeat sine simonia, transfertur cum pensione, dum ea pretio transfertur.

3. Contrarium sentiunt, qui pensionem rem spiritualem volunt suprà citari, ubi de spiritualitate pensionis. Item Garc. p. 1. c. 5. n. 52. postquam præmisser, pensionem beneficium non esse, ait: inde infertur, quòd transferencent pensionem per confidentiam, non comprehenduntur

in Constitutione Pij IV. & Pij V. contra Confidentiarios editis. Pro quo citat Nav. conf. 11. n. 7. de Constat. & conf. 66. & 65. de simon. Paris. de confid. q. 23. subjungit n. 53. At ita pacientes peccant mortaliter, & committunt peccatum simonia, quæ tamen non inducit excommunicationem, vel aliam censuram; pro quo citat Nav. conf. 66. de simon. Paris. de confid. q. 23. à n. 43. Item sic tenet Barb. loc. cit. n. 21. exprestè inquiens: Pensio clericalis est materia simonia, non solum contra jus humanum, sed etiam divinum, ubi recepta Bulla Pij V. edita anno 1571. pro quo citat Laym. Th. mor. l. 4. tr. 10. c. ult. §. 5. n. 48. Bonac. de simon. q. 4. §. 13. ex n. 4. Azor p. 2. l. 8. c. 10. q. 10. (ubi istamen haec formalia tantum habet: qui privato jure, & auctoritate pensionem redimit, peccat quidem, & merito puniri potest; sed in simonia penas non incidit, in qua nimurum incident, quæ beneficium pecunia permutant) Suar. de relig. to. 1. l. 4. de simon. c. 26. n. 16. Filiuc. p. 3. tr. 45. c. 8. q. 1. n. 3. Reginald. in pr. fori penitent. l. 23. n. 276. qui dicant, vendere pensionem, aut redimi pro pretio sine auctoritate Papæ, esse simoniam contra jus humanum. Plura de his infra, ubi de redemptione pensionis.

Questio 630. An transferri nequeat pensio ex virtute litigiosi?

Respondeo negativè. Lott. l. 1. q. 40. à n. 99. siquidem in materiam translationis non cadit vitium litigiosi, ut decidit Rota in Mamianens. pens. 23. Martii 1626. Lott. ibid. n. 110. Etiam si enim ex parte titularis prætendantur redditio, vel extinctio, aut nullitas pensionis: & licet etiam tunc, cùm vindicatur libertas Ecclesia, arque ita proponitur negatoria, vel è converso confessoria per eum, qui servitutem vindicat, dicatur moveri actio in rem, adhuc non concluderetur ad litigiosum, quia non contenditur principaliter de dominio; sive enim agatur hypothecariæ, sive actione personali, semper res ipsa sub substantia pensionis manet libera ab hoc virtute litigiosi; dum enim non contenditur, sive agitur principaliter de domino, deficit extremum, in quo non contrahitur vitium litigiosi. Lott. n. 109. & n. 110. juncto n. 100. Proinde etiam non militat hic simile de beneficio; siquidem in beneficium cadit formalitas litigiosi, ex reciproca vindicatione duorum simul contendentium, beneficium seu proprietatem, & quasi dominium beneficii ad se pertinere. Et sic non militum, si nec Papæ provisio de litigioso teneret, nisi facta expressè mentione litis, non ex defectu potestatis, sed voluntatis, ne cui præjudicium inferat. Lott. n. 106. & 107. Neque etiam dici potest affici vitio litigiosi ipsa posseffio, si agatur actione hypothecariæ; cùm per translationem non transmittatur posseffio, ut dictum supra. Lott. n. 101. Sed et si, dum moverur actio personalis, prætendantur & concedatur, actionem solam factam esse litigiosam, adhuc nihil facit ad rem; quia, sicut actio hac personalis non afficit rem ipsam, ita nec prout est actio transferens, transfit in translatarium, sed extinguitur potius, & nova alia, non ex persona transferens, sed ex speciali facto principis, nempe Papæ, ipsi translatario queritur, & sic cessat vitium illud, quòd minimè adscribi potest principi, quem etiam opus non est hoc scire, seu intelligere. Lott. à n. 102. usque ad 105, inclusive.

Quæstio